



蹈海集



服部文庫
イ 17
2096
1



117
2096
/

躡海集卷之三



攝津服元雄仲英 著

東都井周愛士春輯校

五言律

十五夜子昌宅賞月

明月開晴色，千門望不迷。
登樓人境外，把酒鳳城西。
露下金莖冷，星稀碧漢低。
秋風夜將半，庭樹送烏啼。

綠珠怨

宴樂看驚破，臨樓悲此身。
愁容眉黛變，舞袖淚痕新。
一死堪酬主，餘波恐及人。
明朝金谷裡，芳樹為誰春。

服部文庫

117

889

/

秋夜思

佳人孤月下遙想倚空牀應比嫦娥寡獨悲秋夜長
羅裳風露冷画閣桂花香那得如形影徘徊玉戶傍
春日郊行值雨過友人莊

曳杖從泥濘郊天望轉迷春衣沾細雨徑竹傍幽棲
下榻携茶具呼童命黍鷄回看踏青處烟暗野橋西
春日同集千秋阜大川尊者見遺饌具

不厭山庵小堪憐野興長鳴禽春樹裡迸水古庭傍
藉草坐偏穩攀林花自香行厨留我久臨眺送斜陽
寄子蘭并君壽太翁七十初度

須

藥竈丹成處瑞烟懸日浮趨庭正堪獻入海豈願求
氣色神門近鬱蔥仙窟幽雲霄知有路將向帝居遊

早秋同諸子遊少林院

少林何處是秋到白雲西灌木鳴蟬集早涼幽客携
紉園過澁雨清梵靜禪棲憶昨春遊日花開滿虎溪

題某上人房

禪房江水曲幽處少人蹤避世看如此結脚誰得從
天花晴更落徑竹翠相重不覺都城近還疑到鷺峰

函關道中

匹馬將西渡路廻函谷陰千峰積雪色萬里行人心

冰合澗泉斷烟孤山驛深關門應咫尺紫氣暮沈沈
早春遊望

南國花應發東城柳暗催風光千里外愁上望鄉臺
海樹暗初近塞鴻春已回縱逢艷陽色無那不然灰

春日江樓宴別

別酒歌鐘促登樓望欲迷歸鴻斜日外送汝大江西
古驛連漁浦春流逐馬蹄宴闌從此去前路草萋萋

長安雪望

皇城五雲裡朔雪晚漫漫已積鷲毛色高懸鳳闕寒
上林迷玉樹大道逐金鞍此日謝家宴堪憐柳絮看

送丁義上人歸紀州

一錫凌空去三山路渺然雲蒸南國瘴日駐大荒天
海客泣珠處秦皇求藥邊遙知獅子吼更向此鄉傳

送實踐師歸山

師也何爲者久參南北宗忽看金錫影遙向白雲峰
別路迷春樹空山冷暮鐘更知趺坐地禪咒降天龍

感春

今春重作客去歲一還家復值風光好轉憐關路賒
斷鴻迷暮雨芳草遍天涯故苑終無主空開桃李花

送人遊松島

佳境仙臺北遠連環海浮林巒籠佛寺島嶼送漁舟
浦迥烟光薄潮回樹影流天涯空想像羨汝乘槎遊

暮春總州客舍值雨

北總乘舟下且留江水西他鄉春色老旅館雨聲淒
興遠山河異望空烟霧低蕭條苦日永客睡夢偏迷

舟發仇原阻雨泊滑河

河上雨漫漫歸舟欲遡難田家綠岸近野寺隔堤看
霧樹昏鐘暗蘆洲水宿寒篷窗苦沾濕旅服幾時乾

春日墨水泛舟八首

二月滄江濶春風解纜時晴空潮勢盡淑景櫓聲遲

翡翠城遙出桃花岸自移此遊何限興不許世人知
清晨收久雨盪漿泛江湖水色侵楊柳晴光映酒壺
雙橋回首轉片席與心孤醉去踈狂甚乘流逐浴鳧
渡口金龍樹山光落積流天開珠閣秀日照彩霞浮
湖海魚能樂風塵我已休滄浪堪濯足鼓枻思悠悠
十里晴烟起長堤幾處春狂歌知酒客冶服辨都人
遵渚宜垂釣停橈偶問津遡遊心彷彿將弔洛川神
百丈輕風外可從春興長漁人乘小艇浣女下橫塘
竹嶼波彌碧花源晝自香年華如此好莫遣客心傷
漢廣開春水舟行到日曛河洲從所適鷗鷺自成羣

芳甸烟花遍，翠樓絲管分。牛頭已咫尺，別有梵音聞。
極浦三春草，清江萬里天。王孫不復返，墨水自年年。
遠樹叢人處，浮雲送客船。無端懷古望，向晚起風烟。
返照知何處，天涯暮色催。鳥歸青靄外，舟下白雲隈。
江迥仙源暗，岸迴漁火來。榜人宜醉臥，隨意盡餘杯。

歲杪偶成五首

十年多病客，避跡此棲遲。薄劣人皆棄，踈狂世且疑。
敝裘逢歲晚，窮巷冷茅茨。縱有馮驩劍，長歌更向誰。
離家經幾歲，屈指惜窮陰。落魄愁徒切，江湖興自深。
浮雲隨客跡，故國少鴻音。出處何時定，悠悠愧夙心。

吾生也有涯，到處任流離。客裡雙蓬髮，人間一酒卮。
唯憐松樹色，獨占歲寒姿。醉去憑烏几，幽情轉自知。
世事誰能解，蹉跎笑此身。功名孤劍有，歲月二毛新。
漫興唯高枕，苦吟偏避人。甕中春酒熟，隨意草堂貧。
四壁寒如此，蕭蕭客思哀。已知生事拙，還覺壯心摧。
夜雪當窻照，春風入夢來。鄉園相識少，誰寄一枝梅。

席上贈慈麟禪師

白毫新照坐，黃面此低眉。色相看來寂，虛空祇自知。
慈航堪解纜，苦海奈無涯。我輩滔滔者，欣逢出世時。

六宮秋月怨

桂宮秋月靜，獨望夜漫漫。已與娥眉似，還憐鸞鏡有。
玉階空有影，羅帳自生寒。不比清暉遍，君恩欲奉難。

送人罷官歸山

豈可違猿鶴，北山元有家。明時辭綬冕，白首臥烟霞。
澗道行依舊，柴門或欲斜。歸來招隱地，應及桂叢花。

于翁壽詞

五畝開生業，結廬桑柘陰。犬鷄閭巷接，伏臘歲年深。
故舊皆黃髮，逢迎愜素心。濁醪稱壽足，何必用千金。

春行值雨

杖頭錢未盡，到處醉為鄉。春雨迎人灑，風花與我狂。

孤村烟樹暗，一路草泥香。薄暮投林去，踟躕僧舍傍。

首夏陪烏羽世子遊棲鳳禪院

糾園塵自絕，小隊此相携。地靜開禪室，山幽擁鳳棲。
千林花已盡，四月鳥空啼。似促歸途興，羣騶落日嘶。

春雨中豹隱亭集得聽字

南山春霧合，細雨晝冥冥。詩酒吾曹事，招邀公子亭。
綺筵留客處，黃鳥隔牆聽。十日歡何極，新花已滿庭。

凌霄閣宴集分韻尤字

飛閣鳳城頭，登臨俯御溝。君侯今日宴，風雨滿筵秋。
画棟中天起，金樽北海流。醉來心彷彿，疑與化人遊。

冬日會心亭探韻

亭開容膝處境靜會心時咫尺親魚鳥園池映酒卮
庭空霜葉下坐久夕陽移共得逃禪趣任他歸去遲

冬夜客思

飄泊三年客江湖一夜燈孤身逢歲暮獨坐憶親朋
信爲家遙少愁隨漏永仍天涯風雪霽歸興奈難乘

雪夜泊舟

一夜江湖雪霏霏望轉空只將侵客髮偏自滿孤篷
暗月迷前浦寒濤拂北風縱成千里夢鄉路若爲通

歲杪訪山中人

相思聊命駕路入白雲端澗戶終年掩山齋落日寒
古松凌雪秀臘酒泛杯看不覺窮陰促優遊好罄歡

早春聽潮館集得歌字

侯家新歲讌滿坐酒如河玉樹春前發青雲雨後多
海天開夕麗潮水送陽和此日滄浪曲偏能入醉歌

江上春望

江上春方好新晴水雪稀烟生青草渚潮擁白鷗磯
獨往隨流水長吟對落暉誰知千里客一望忽思歸

家君園庭作假山水見示十太余代奉和

不解人間事築成塵外山戶庭流可激巖樹勢堪攀

白石羊安在玄淵龍自閑洞天容我大長此駐童顏
首夏吏隱亭集得苔字

四壁從亭古琴樽對客開園光纔入夏階色自生苔
薄宦心偏遠閑居賦已裁主人栖隱處何必白雲隈
贈伊奈翁

唯有杯中物浮生一丈人狂來能自舞醉裡不知貧
宇宙容踈放都城足隱淪日從諸少飲誰識養天真
春夜久岐侯悟賞館宴集得豪字時候以

病辭大坂副帥

自謝元戎任青雲臥病高論文寧構武綺席且香醪

鐘漏更偏促笙歌興轉豪春城花月夜悟賞對吾曹

南浦春汎

已得滄浪趣乘晴泛渺茫汀烟蒸細草岸樹雜垂楊
掛席輕風度投竿積水長無情北歸雁孤負此春光
送兒仲瑟歸省上州

諸生元有業寧作偶耕人負笈遊千里飄蓬已幾春
白雲名嶽下烏水故園濱總是關情切歸來慰老親
花亭之遊阻雨屢誤期至則成芳歇

且喜逢晴日幽亭花已稀纔添新樹色更映暮春衣
徑草含餘潤園禽弄落暉猶從投轄興樽酒此依依

聽潮閣避暑

積水挑簾澗長風倚閣驕不知三伏熱高對大江潮
開席涼臺似披襟赫日消杯中浮玉露疑是下雲霄

秋夜送別

天涯白露下鐘漏夜沈沈送客秋風起思家月色深
尊鱸千里興桂樹小山吟歸到自應適誰同招隱心

暮秋同遊下毛州富吉石冢氏家留連數

日賦贈主人國卿十首

斯遊期已至秋暮遠相携駐馬郊關下呼舟野渡西
程纔經一宿路自傍長堤行問耦耕者前村望不迷

夾巷千章樹蒼蒼擢老柯閭門容駟大我輩曳筇過
晚飯催厨具夜堂燒燭多欣逢東道主傾蓋定如何
兒童能慣客盥櫛侍清晨推戶田園闢下階鷄犬馴
市朝知幾里桑柘自爲隣坐臥心方穩淹留好避塵
何必關都會亦知堪素封有年常滿庾闔邑此稱宗
禹洫收秋水幽歌促夜春家僮定幾指客至不妨農
且逢新釀熟引客會高堂已有煮魚美寧思羞鼈長
耳分膝下愛珠捧掌中光直置看萊舞翩翩轉勸觴
夜榻猶堪下清談自古今踈燈隣杵響細雨草堂深
坐冷圍爐密詩成擁鼻吟更闌頻命酒傾寫主人心

新晴携手出登望，大平山郡國蒼茫。裡乾坤指掌間，
峰歌雲自起林響。客來攀共仰祠壇，上千秋日月閑。
進步尋幽處，西郊秋色開千林。黃葉下一路老僧回，
蘭若烟霜古叢祠。鳥雀哀行厨聊藉草，吟眺共徘徊。
稻穫開塲，滿茅檐曝背看千竿。脩竹色十日故人歡，
野夕牛羊下園秋。芋栗寒收來供給，好不玉爲餐。
相送古河頭，杯樽對爾留。邑堪藏遠樹，人欲上歸舟。
岸轉孤城出，帆懸落日浮。唯餘刀彌水，回望思悠悠。
早春送牧惟孝歸勢南

早春送牧惟孝歸勢南

積水連南國，歸鞍倚上春。梅花臘後色，杯酒眼中人。

歧路仍冰雪，風烟接海濱。故園佳麗地，况值歲華新。

春暮寄懷大川尊者臥病

方丈維摩室，病來經幾時。爐烟從日永，坐臥少人知。
草長紉園徑，花殘祇樹枝。三春偏謝客，笑語與誰期。

寄舊遊

一自辭鄉國，天涯感別離。蹉跎堪屈指，搖落也多時。
南北鴻音遠，風霜客髮垂。江湖空極目，千里寄相思。

客中夜坐

月露空堂靜，通宵獨掩扃。人間雙白眼，客裡一青萍。
旅服迎秋冷，陰蟲隔壁聽。牀頭樽酒在，誰共慰飄零。

浦賀晚眺

搖落連山色，遠隨潮水浮。人歸湘岸晚，雁度楚江秋。
港口千櫓集，天南大海流。魚鹽市已散，烟火接汀洲。

冬日楊柳居雨集得期字

一室風流會，杯行不厭遲。垂楊霜降後，寒雨歲闌時。
雖掛蕭疎色，非關離別悲。畱歡餘興有，更與早春期。

春日山行

空山行不盡，數里入烟霞。澗壑春光遍，藤蘿棧勢斜。
林傳樵斧響，徑逐鹿蹄遐。稍覺仙源近，溪流送落花。

笑人晝寢

錦瑟纔彈罷，深宮晝景長。眠濃依玉臂，笑斂靜紅粧。
帳裡芙蓉掩，花間蛺蝶狂。流鶯且休轉，春夢滿昭陽。

宮人斜

羅綺今安在，悠悠長夜魂。娥眉空綠草，鳥哭切黃昏。
花駐春宮色，雲過昔日恩。古丘西向樹，猶似望陵園。

玉函山中有懷東都故人二首

暫住山中，容風塵意且休。食霞身自健，嗽石趣偏幽。
暗谷猿愁切，翠巖仙液流。故人江海隔，誰共白雲遊。
麋鹿唯吾侶，幽情愜鵝冠。烟霞空自滿，丘壑好誰看。
雲樹深山暗，澗泉長夏寒。丁丁聞伐木，轉覺索居難。

月下美人

嫦娥開玉鏡，桂殿夜凝粧。已斂雲鬟綠，高添露掌光。
羅紈憐素扇，形影冷銀牀。咫尺蟾宮敞，天風拂舞裳。
和人憶湖南舊居之作

亦逢搖落候，空憶洞庭波。鄉路孤舟有，蓬蒿客夢多。
只傳湘瑟怨，遙入楚囚歌。目送秋鴻度，更如歸興何。

廢寺

千年龍象寂，荒草跡偏迷。梵咒唯樵唱，祇園自鳥栖。
香厨烟火斷，糾殿棟梁低。上有前朝榜，登臨問舊題。

盆池養魚

不待西江激，乾坤尺水浮。一盆廻片石，千里自長流。
豈羨吞舟大，堪同縱壑幽。此中真性足，無意避懸鉤。

某師西遊不歸

杖錫留何處，茫茫紫海西。遊緣求道遠，跡自入雲迷。
萬里書長斷，三春草復萋。故山曾種樹，已見覆禪棲。

春海師西上賦此作別

千里彌天路，行逢徂暑時。跡隨流水遠，心與片雲期。
盛夏君何憚，清涼獨自知。西京諸大刹，南北更參誰。

行舟值早霧

曉霧長江合，輕舟去不停。那知乘渺渺，唯覺入冥冥。

舳艫東西失潮濤左右聽漁翁燃楚竹纔得認前汀
不出門二首

懶臥非關病幽眠晝欲迷匏瓜空自繫杖屨與誰携
推戶迎山色隔牆窺鳥啼人間堪絕跡莫是武陵溪
門徑滑青苔履痕安在哉日長鳥几靜簾捲白雲來
流水依琴響名山上壁開少文遊自遠舉目此徘徊

中秋無月

蟾宮何處是風雨颯良宵猶自開樓閣誰能倚寂寥
暗雲千里掩哀雁五更遙桂樹花空發秋香那得飄
秋雨中懷某山人

契濶欲誰依相思獨掩扉三秋人不見兩地雁空飛
雨色連黃落雲陰隔翠微山中逢此日應授薜蘿衣
秋晚同諸上人遊耆山師蒼山庵居

禪居塵自斷一路入蒼山籬菊三秋冷爐烟丈室閑
園林霜色裡搖落夕陽間相值諸尊者玄談不擬還
秋晚自然園集得成字

北墅秋光好侯園趣已成不知霜露冷俱愛酒杯清
連樹各分色細泉纔送聲坐來丘壑興偏愜謝公情
新歲小集得八庚

二三吾黨足窮巷此逢迎牆外梅纔發庭陰草未生

濁醪經臘熟黃鳥近人鳴風詠自茲好共期春服成

娥眉石詩爲某氏

誰縮娥眉色飛來指掌看天工歸片石神秀擁層巒
坐有青蓮思將凌白日寒雲根逼人動長自對噴
賦得壁畫風濤

遠勢成千里渺漫流不流長懸瀛海色近接廣陵秋
雪片連汀亂雷奔觸石留坐來閑寓目偏覺此生浮
夏日新晴同集少林院得空字

纔值梅霖歇相携到剡東閑堪還淨室涼自足薰風
市井珠林隔炎氛白日空俱分愛山興幽討對支公

七夕鵲巢亭集得浮字

鵲巢今夜會何用架橋浮暫此離城市非關犯斗牛
戶庭繁白露村落入清秋坐望星河轉西連大野流

伯擘土先生七十壽詩 并序

我所未相見誰壽乎而萱社諸老壽在七十巋
然存乎今者特先生與我家君耳吾儕小子雖
未承顏實爲可喜敢奉一辭賦得仙人騎白鹿
以應其需壽之云

日月光長滿登臨大萃峰且揮鞭駕鹿何羨杖爲龍
霞暖仙顏醉洞春神草封優遊開壽域能得幾人從

秋暮送岡生歸勢州

長途非有畏來往馬蹄輕故國魚鹽利重裝商旅行
秋風鱸膾思霜露客心驚此別前期近從他渺海瀛

冬初同遊少林院觀楓得蒸韻

秋後廬山色風霜躡屐登楓林交自映錦繡粲相仍
觀美莊嚴地談玄慧業僧上方催晚景鐘響白雲層

歲杪玉山朱陵二文學見過賦謝

衡門霜露徑擁筵接佳賓忽有雙珠照堪忘四壁貧
濁醪難作醉寒苑未回春那意茅廬下還連席上珍

新歲此君亭集得沈字

纔已逢新歲相携竹樹陰庭從冰雪滑坐愛酒杯深
郢國誰同調山陽只此心清言興無盡遮莫晚暉沈

春雪鸞嘯閣集得城字

紫陌年華淺餘寒雪滿城春陰連睥睨暮色尚鮮明
詞賦飛觴競瓊瑤映座清共登鸞閣嘯遮莫少啼鶯

過子昌林莊

愛爾堪棲隱林亭晝掩關客乘幽興至境與此心閑
野樹春纔入隣農晚自還醉來高枕處何必問青山

春日送富君嚴遊西京賦得青青河畔草

見說王孫草春風嫩色齊自應連驛路漸已滿河堤

流水行人遠晚天班馬嘶長安花柳陌何似爾萋萋

五日送慧麟師歸勢南因有懷旭辨純貞

二師得單韻

此日留君任長絲繫不堪關河雲縹緲杖錫海西南
且向廬山社非遊楚水潭歸來逢舊侶乘理兩為二

夏日松蓮社集得微韻

松陰堪結夏社會此相依不覺塵寰接且憐炎暑稀
清樽人自遠淨室客忘歸坐久涼風起鳴蟬送落暉

賦得衣露淨琴張五首 并序

袁中郎集有楓林纖月落五言律四首其末歷

論古人詩以画為喻焉有云画有工似有工意
工似者親而近俗工意者遠而近雅作詩亦然
余此詩從似而入意者也蓋中郎得意者已矣
偶同諸子擬其以杜詩為題賦衣露淨琴張琴
詩古人猶病諸余非解宮商者其聲音節奏以
字寫之吾豈敢然就此五字求其幽韻彷彿如
有自得之境聊裁數篇以遣閑興亦惟柴桑無
絃之意耳至其體格亦各有尚焉同床各夢不
相干云爾

幽事殊蕭散蓬蒿露不乾一丘松籟起半夜葛巾寒

明月幸相訪素琴聊自彈清商聲最苦何物淚闌干
撫弄陶潛趣且憐絃上聲別離孤鶴怨幽獨古人情
坐覺衣裳冷應緣夜露清彈來誰得和切切草蟲鳴
中庭塵不到白露淨幽襟石上烏皮几松間綠綺琴
山空通暗響水激促哀音此調偏高古鍾期何處尋
興來眠不得風露夜淒淒杯酒誰能賞絲桐我且携
響諧蘇嶺嘯悲入雍門啼曲罷徘徊久空林落日低
夜坐宜初服幽情試拂絃露華繁薜荔河影敞秋天
彷彿鬼窺室從容魚出淵寥寥廣陵散千載有誰傳

隴頭水

遠戍腸堪斷淒涼關塞秋秦川家萬里隴阪水分流
巖石鳴爭下東西不可留日添征客淚悲咽幾時休

歲晚金川驛送米大夫歸西肥

稍覺東都遠旅亭臨海磯前途風雪暗古驛曉烟微
四牡行難駐三冬此送歸九州千萬里何日到西肥

冬郊晚歸

寒郊人跡少曳杖對斜曛草盡霜偏重林疎路自分
牛羊相逐下村巷且爲群咫尺吾廬近行吟過暮雲

早春臨江亭集分韻一東

地靜滄流繞庭幽淑氣通紅塵何可至相值此亭中

舊識春無恙，新年酒不空。臨江終日興，非是羨漁翁。
必大書堂集次主人席上韻。

樽前求侶興恰好，及芳辰愛此風流會。都非禮數人，
圖書俱作癖。客主不知貧，似解憐同調。啼鶯弄上春，
太醫令橘公菁我園春集得侵韻。

菁我春可賦，非但杏成林。世美傳朝野，家聲自古今。
芳樽同此樂，華館倚繁陰。相見酡顏喜，應知我輩心。
同賦採藥逢三島壽知公明太公六十。

之子有仙骨，揚帆何處遊。劉郎非可羨，秦使謾相求。
江海雲霞簇，蓬壺指掌浮。即逢神草滿，採去好迴舟。

夏晚竹飲

此處宜酣飲，幽亭竹樹中。陰堪遮晚日，嘯足起涼風。
翠色侵杯落，炎氛掃坐空。誓劉千古意，應與我曹同。

送管大夫携家歸濃之巖邑

巖邑一名霧城

千里携家去，明朝故國人。主恩應有意，宦跡好乘春。
任豈難當路，才非滯要津。巖城雲霧裡，行見豹文新。

賦得壁畫猿鶴

愛此鍾山趣，不離鳥几傍。九臯看接座，三峽忽連梁。
飲啄臨流住，攀緣抱樹長。哀啼與清唳，還怪滿幽堂。

擬唐人望月有懷

尋常天上，月秋至坐生悲，夜敞清砧，徹庭空，白露垂影，臨牀自轉，光與水相疑，直置關山，引寧無歎，別離尋隱者不遇

欲尋巢許隱，巖徑遠相攀，採藥知何處，懸蘿自掩關，空林棲鳥定，落日岫雲閑，倚杖徘徊久，仙翁晚未還，家君新營西莊，酬管道伯見贈

纔成三徑趣，寧擬二疎賢，雜菜荒秋圃，孤村冷午烟，世榮心自遠，儒素業難傳，故舊如相訪，休嫌乏酒錢，十日松園鸞客舍集

猶餘佳節，賞客館，此招遊美酒盈觴，興黃花昨日秋

清言還我輩，醉態也風流，共賦新知樂，樽前傾蓋留

酬友人湖中聞雁見懷之作

洞庭秋水冷，八月雁南翔，不有家書至，轉思兄弟行，孤舟人撫枕，獨夜髮生霜，空寄離群恨，各天同斷腸，同賦歸雁入胡天得冬韻

共已辭南國，寧忘歷九冬，遙空飛不倦，絕塞杳相從，縱度關山遠，非侵冰雪重，呼群聲斷續，影盡朔雲峰，春雨中伯有宅花飲

春光逢此日，青眼好相同，花滿戶庭外，鳥啼烟雨，中芳園堪共醉，綠酒豈應空，暮色蕭蕭靜，幽吟興不窮

和野伯修將歸西肥見別之作

相送望風烟，歸程落日懸。關山將海路，鞍馬且舟船。
此意憑雙鯉，知音奈各天。無端別鶴操，薄暮入朱絃。

首夏暘侯澗月亭集同字土侯大川師賦

得陽韻

永日清和節，侯園已歇芳。不唯陪謝傅，兼喜接支郎。
咫尺紅塵陌，風流綠酒觴。猶存丘壑想，澗月近懸梁。

田間夏興

野色連新樹，鳴鳩隔翠微。四隣農事促，一徑市塵稀。
隴麥秋將至，村園筍已肥。幽閑從日永，高臥夢依依。

山中閨怨

十年裘褐隱，夫婿已酬心。只為耽山水，難留伴向禽。
石牀空曉夢，蘿幄冷秋砧。聞入天台去，恐迷仙路深。

奉和金井侯秋後登山縣城樓之作

明時邊警斷，臨眺自忘憂。木落千巖出，天空四塞浮。
山城催短景，雨雪入殘秋。莫是荊州牧，獨登王粲樓。

題雪竹圖為拾遺橫瀨公北堂六十壽詞

六出成花處，淇園春滿枝。干雲擎皓皓，挺幹此猗猗。
節操清堪競，平安喜可知。兒孫各自長，羅列好稱慈。

山莊春雪

草堂猶塞向春至雪霏霏淑氣沈窮谷寒雲暗翠微
年華何處好柳絮繞林飛早晚前山頂行吟入採薇
西莊宴別公明賦得恨別鳥驚心

別酒相携處黃鸝近席過他時嬌自好此日聽如何
鼓吹腸將斷嚶鳴恨更多餘音逐君去能繞幾山河
陪諸貴人少林精舍避暑得風字

豈羨遊河朔還容醉剡東不唯炎毒斷轉覺世緣空
晚樹懸蟬響涼臺即佛宮喜陪王謝座竟日對清風
秋雨中鑑湖臺探韻得十二文

坐有江湖趣登臨望自分芰荷深晚氣杯酒對秋雲

水近人將鑑池平雨作紋那知陪紱冕乘醉此論文

山莊感舊

卜築都依舊蕭條絕送迎竹籬空駐色苔徑亦關情
豈有山河異轉憐霜露清西風無靜樹落日自秋聲
十日雨夜集凌霄閣分韻庚字

華燈明雨夜画閣蓋簪纓泛菊樽無恙凌霄不待晴
歡將期十日宴已到三更足繼登高興唯慚賦未成
冬初過耆山師房話舊

丈室霜林裡殘秋色可憐浮雲嗟往事短髮感流年
逝者河山邈吾生夢幻懸相看共交臂語久入推遷

躩

花下調馬

駿馬成羣競芳菲，弄色誇四蹄。翻練影連樹，藹年華
蹀躞疑衝雪，盤旋欲拂霞。長風千里態，落盡幾枝花。

好雨知時節

恰好如絲雨，園庭擁晚陰。風斜花際灑，烟濕柳邊深。
似解添佳色，寧無愜賞心。芳時此相及，終日助幽吟。

春盡對酒示友人

荏苒春如夢，空亭倚寂寥。綠陰侵戶牖，青眼此招邀。
已值年芳歇，任他風色驕。唯將一樽酒，相見慰無聊。

夏夜月下小酌

興來聊把臂，杯酒倚庭隅。露冷疑秋至，天清對月孤。
山陽辭俗士，河朔亦吾徒。坐上賓非滿，猶能倒玉壺。

妹阿原之姑九十壽辰家園適生兩岐竹

爾上高堂壽階庭，瑞奈何忽將千畝種。還入兩岐歌，
潤養根偏固，繁陰色自和。兒孫知幾箇，堪比歲年多。

聞某道士出山有此寄

歸期應有日，聊謝故山花。流水仙源隔，江湖客跡賒。
人間行賣藥，洞裡罷餐霞。借問迎君處，同時到幾家。

首春智隨師歸湖中賦別

江湖元自渺，雲水有誰從。客舍多僧舍，南宗復北宗。

新春芳草色舊嶽彩霞封鼓瑟知何處湘天隔數峰

山中春日

一壑風塵遠草堂容膝安鹿鳴花樹下樵唱暮雲端
絕境春無盡連屏翠自寒興來纔試步蘿徑欲攀難

銅雀伎

尚倚殘粧坐紅顏竟奈何哀音絲竹有恨望暮雲多
舞袖徒餘態繁華自逝波英魂不復返返照滿漳河

自嘲

孔壁成何業秦坑幸異時雄飛吾豈敢鳥跡獨相窺
口謾稱三代栖纔足一枝世間榮達者應笑魯男兒

螢

數點凌空度光含暗水干高低終不定聚散本無端
露樹懸星彩秋叢避曉寒恐遭紈扇撲莫近漢宮欄

寄題浪華木村生菡葭亭

豈羨雄都壯孤亭綠水干洲叢深隱几露葉拂垂竿
鷗鷺為隣靜秋風傳響寒遡遊從不得誰倚玉人看

哭忍海上人

先君營白貫墅上人壁畫猿鶴

忽逢獅吼罷雙樹入悲秋逝水津梁寂舊林風露愁
畫圖君不見猿鶴汝空留每對西莊壁難禁涕泗流

題墨江圖

千年名勝地，恍對墨江濤。蜃氣連烟水，龍祠自古今。
彩虹懸海岸，華表隱松林。咫尺畿南望，歸歎促容心。
寄題藝人淺子敦望瀛閣

一望通鼇首，孤高倚廣陵。風濤不可極，島嶼迥相仍。
長與神山對，非關蜃氣凝。遠遊誰作賦，千里意飛騰。
感懷寄烏石山人

山人幸無恙，其奈索居何。日月浮雲逝，交遊宿草多。
青年徒夢寐，白首竟蹉跎。舊隱蓬蒿在，應思赤水阿。
冬郊

野水冰纔至，蕭條籬落北。徑霜履作痕，堤樹不留色。

風厲鳥斜度，歲寒農且息。鐘聲何處寺，短景已昏黑。

賦得春多仙興奉贈守山侯六十壽辰

樓臺懸氣色，十二倚氤氳。玉樹花偏別，紫霞杯自醺。
洞天深日月，駘蕩靜晴雲。此興春無盡，仙遊好作群。
賦得高浪駕蓬萊

賦得高浪駕蓬萊

縹緲連空起，延年即此鄉。浪擎山幾仞，雲駐海中央。
忽見金銀色，總為宮闕光。神仙真可羨，東望坐褰裳。

醉容

醉容天生汝，優遊且歲時。興來情偃蹇，狂去語參差。
寵辱何為者，乾坤也有涯。自耳違禮俗，誓阮是吾師。

芳樹

芳樹年年好，花開復媚人。紅顏真易老，白首坐憐春。奈此樽前色，看為陌上塵。故園風雨恨，明日綠陰新。

暮春送藤恒順歸南部

北部知何處，故園毛狄南。遙空連絕塞，去雁逐歸驂。望眼關河隔，離情各自含。春光看欲盡，歧路柳毵毵。

少林院感舊二首 并序

山有先人之兆，先人即兆浚公。作偈曰：清風明月，故人空寒。暑四易，浚公亦逝矣。今也，宰者宰者，冥契相近已矣哉。追憶往日，周旋靡瞻，不傷。

懷俯仰如夢泣題院壁云

一丘支許寂，餘跡不勝悲。石火纔經眼，風流已往時。山可火邈矣，草露晚凄其。幻境終何怙，空攀柏樹枝。

元彭按集中惟此句孤平而格 四壁知誰是不遺一老禪

高古不事屬對故不拘前

理元無盡上方昏月圓

高樓夜彈箏

秦箏傳響處，遙夜月成輪。美酒高樓宴，紅粧滿坐春。但憐繁手急，誰解旅愁新。別有思歸客，無端淚濕巾。

漁樵

漁樵投跡處，丘壑復江湖。日月垂綸靜，乾坤伐木孤。

芳樹

芳樹年年好，花開復媚人。紅顏真易老，白首坐憐春。
奈此樽前色，看為陌上塵。故園風雨恨，明日綠陰新。

暮春送藤恒順歸南部

北部知何處，故園毛狄南。遙空連絕塞，去雁逐歸驂。
望眼關河隔，離情各自含。春光看欲盡，歧路柳毵毵。

少林院感舊二首 并序

山有先人之兆，先人即兆浚公。作偈曰：清風明月，故人空寒。暑四易，浚公亦逝矣。今也，宰者宰者，冥契相近已矣哉。追憶往日，周旋靡瞻，不傷。

懷俯仰如夢泣題院壁云

一丘支許寂，餘跡不勝悲。石火纔經眼，風流已往時。
山河秋邈矣，草露晚淒其。幻境終何怙，空攀柏樹枝。
亦驚生死大，其奈歲時遷。面壁知誰是，不遺一老禪。
少林深宿莽，雙樹鎖寒烟。神理元無盡，上方昏月圓。

高樓夜彈箏

秦箏傳響處，遙夜月成輪。美酒高樓宴，紅粧滿坐春。
但憐繁手急，誰解旅愁新。別有思歸客，無端淚濕巾。

漁樵

漁樵投跡處，丘壑復江湖。日月垂綸靜，乾坤伐木孤。

營生縱異道，避世好爲徒。借問滔滔者，誰能與汝俱。
歲暮對雪有懷

雨雪園林暗，紛紛白髮前。草堂催短景，萍跡奈衰年。
柳絮唯相似，飄零獨自憐。索居朋好在，難上剡溪船。

春郊

一路通何處，春風且杖藜。田家煙樹外，牧笛野橋西。
送色花遙發，無名草復萋。行行堪拾翠，十里夕陽低。

游俠行

京華吾窟是一諾，好游揚壚上酒人。興陌頭裘馬，光
千金寧死市六博。足專場意氣誰堪比，笑他權富郎。

季夏少林院集時鈴士訥將歸鯖江

嘉會此相期，禪房結夏時。清風涼颯爽，香樹影參差。
坐有將歸客，壁題留別詩。鯖江吾土美，寧戀五侯奇。

五言排律

春色滿皇州

大液冰開處，上林鶯囀辰。好生虞帝化，迎氣漢宮春。
燮理班陽令，風光入日新。河山非舊態，草樹發天真。
柳帶青雲色，霞連紫陌塵。浴沂皆冷服，拾翠幾佳人。
甸野宜携手，烟花必有隣。京城通淑景，率土及何濱。
某侯退老後題其隱居

宗祧新卜貳朝覲始爲休富已辭千乘情堪縱一丘
懸車餘寵錫緩帶自風流厭住華堂麗卻憐茅舍幽
澗泉厨下灑山鹿檻前遊園徑通樵跡松蘿擁菟裘
養真仙子窟招隱桂叢秋老矣耽斯樂寧應歎白頭
擬晁臣卿和王摩詰送別之作

淼茫天際去臨別共傷神國向鼇頭望潮迎鶴首頻
風烟千萬里飄泊一孤身白髮辭殊域滄波見巨鱗
但懸東海日同照大唐人假使音書斷寧無憶所親

大川尊者奉

勅住西京龍寶山例賜紫衣作此奉送

初地辭東海西天向上京斯師優德業謁
帝被恩榮雙鳳含書下羣龍供寶擊珠衣光更動紫
極色新生祖跡標諸刹宗風徧八紘法幢懸日擢妙
偈倚壇成論難皆開士歸依盡列卿禪燈照花界挑
得好添明

奉送松前侯朝禮畢歸藩鎮

鳳闕迎侯氏珪璋達且全朝宗周典盛帶礪漢盟傳
冊錫明堂上庭陳絲仗前文襄元定制貢賦更無徧
賜履開疆大分憂奉命旋中州關百二北陸路三千
輿羽通荒徼河山入杳天蜻蜒初劃地鞞鞞未知邊

水擊凌鵬海潮驕倚鷁舩府閑為政日春靄布恩年
紫塞雪應盡寒門花正鮮四夷今有守何處望烽烟

上已後一日金井侯就新賜第作此奉贈

久識玄成業風流漢大臣勲藏王府舊賜覺主恩新
已兆開東閣先看近北辰鮑驄無意步荆璧不妨珍
甲第移車騎官街望靄塵纔過修禊日長遇向榮春
玉樹光初發紅桃色愈勻昨遊臨水戲因憶濟川人

夏五悟賞侯席上宴別子迪歸省總東

客有思桑梓瞻依老在堂尚來茲邸館非必上河梁
敬愛同公讌吾曹且雁行共耽杯酒興寧斷別離腸

指屈趨庭日坐容懷橘郎驪駒歌未起悟賞趣偏長
江樹大邊碧園梅雨後黃南風雄賦色東路引歸裝
總海微茫外蘭臺琴瑟傍留歡辭不得握手到斜陽

表海樓奉送肥後侯歸藩

九州分牧伯千里壯封疆上爵殊優典同班散建章
瓜時齊奉命茅土各還鄉道路雙旌旆關河五驪驪
地通西極拆天抱大洋長祖帳衣冠集賓筵宴樂張
樓臺依北斗百尺表東方舉目風烟渺憑欄氣色揚
朝宗期不遠翰墨再相將別後三秋月寧無憶武昌

扶搖公子席上得園字

盛讌扶搖館翩翩逸氣翻雲霄元足擊羽翮更堪論
杯酒交情愜琴書雅興存風流還上客翰墨歷西園
那意賣漿侶同蒙虛左恩從來豪俊士宜集信陵門

樂山公子見在村莊賦奉謝

陋巷通軒冕衡門駐旆旌葛巾寬禮數華蓋此逢迎
甕牖腐儒隱春風公子行野呈芳草色林擁紫騮聲
旨酒樽何盡落花茵自成郊天收昨雨烟樹入新晴
廢圃偏承潤隣農訝勸耕丘隅憐鳥止鼓吹有蛙鳴
預解無供給從他遠市城移厨分美饌不羨五侯鯖
奉送烏羽侯充監祭使上日光山二十韻

維烈赫扶桑山陵捧日光止戈歸七德定鼎法三
王廟頌稱於穆神功配彼蒼洪基元自固奕葉永承
昌五緯曾同次二儀交效祥鬱蔥佳氣合林樾瑞雲
長紫殿連珠閣丹楹且画墻帝居堪陟降仙樂此鏗
鏘壯麗傳千祀松楸歷幾霜威靈誰不肅秘奧豈容
量歲熟豐嘉穀司存率舊章駿奔供俎豆裸獻達馨
香祝史陳辭信公侯奉命將明時無戰伐大事只
烝嘗禮制嚴祗役車徒便辨裝衣冠臨上路郊甸向
東方曙色城門外秋風旌節傍前程清驛舍到處謹
關梁掌領都隨例行還亦有常受釐宣室裡漢主待

正海集 卷之三 二十九 青元

趨蹌

秋寓僧院讀書

雙林岑寂地，寄跡即吾廬。
足了浮生妄，聊隨淨侶居。
秋風稀柿葉，霜露滿庭除。
石室藏何歲，繩牀此閱書。
晷非螢火繼，光借佛燈餘。
夜坐松窓下，幽情轉曠如。

踏海集卷之三